



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Concilivm Londoniense Contra Sacrilegos Rervm Et personarum
ecclesiasticarum violatores celebratum anno Domini MCXLIII. sub
Caelestino papa II.

urn:nbn:de:hbz:466:1-15588

quinque & diebus tredecim, secundum Ottonem Frisingensem, mensibus fere sex pontificatum tenuisset, obiit anno Domini 1144. & sepultus est Romæ in basilica Constantiniana. Vaticanus codex de vitis pontificum ista habet: Hic fecit ordinationem per mensem Decembrem, in qua creauit diaconos septem, presbyteros per diuersa loca, & episcopos per diuersa loca. Defunctus est apud Palladium octauo Idus Martii, & in ecclesia Lateranensi tumulatus.

Tempus sedis & obiit papa.

ANNO a CHRISTI 1145.

CONCILIVM LONDONIENSE
CONTRA SACRILEGOS RERVM ET
personarum ecclesiasticarum violatores celebratum
anno Domini MCXLIII. sub Cælestino papa II.

NOTA.

^a Concilium.] De hoc Concilio Rogerus in annalibus his verbis: *Anno gratia millesimo centesimo quadragesimotertio, qui erat annus octauus regni regis Stephani, rex Stephanus interfuit Concilio Londonie in media quadragesima. Quo quia nullus honor vel clericis vel ecclesia Dei a raptoribus deferebatur, & aequae capiebantur & redimebantur clerici ut laici, tenuit idem Vintoniensis episcopus Vrbs Romana legatus Concilium apud Londoniam, clericis pro tempore necessarium: in quo sancitum est, ne qui alicui clerico violentas manus iniecerit, ab alio possit absolui, quam ab ipso papa, & in presentia ipsius. Unde clericis aliquantulum serenitatis vix tandem illuxit. Hæc Rogerus. De eadem Synodo, Anno, inquit Matthæus Paris, 1142. Uvilielmus Vintoniensis episcopus, & sedis apostolica legatus, in media quadragesima, apud Londoniam, Concilium, rege presente & episcopo, celebravit. Nullus enim honor vel reuerentia ferebatur Dei ecclesia vel eius ordinatis a pradonibus sceleratis, sed aequae clerici & laici capiebantur, redimebantur, & in vinculis tenebantur. Sancitum est ergo ibi, & generaliter constitutum, ne aliquis, qui ecclesiam cæmeteriumque violauerit, vel in clerico aut viro religioso manus iniecerit violentas, ab alio quam ipso papa possit absolui. Statutum est etiam, ut aratra in campis cum ipsis agricolis talem pacem habeant in agris, qualem haberent in cæmeterio, si extitissent. Excommunicauerunt autem omnes qui contra hoc decretum venirent, candelis accensis, & sic miluorum rapacitas aliquantulum conquieuit.*

Tempus & acta Concilii.